

সরকার শিক্ষার গুণগত মান উন্নয়নে আগ্রহী

—এরশাদ

বাসস জানায়, প্রধান সাম-
রিক আইন প্রশাসক (লে: জেনা-
রেল এইচ. এম. এরশাদ গতকাল
(বুধবার) শিক্ষা প্রশাসন ও
ব্যবস্থাপনায় কম্পিউটার পদ্ধতি
উদ্বোধন করেন। তিনি শিক্ষাখাতে
যথাযথ ব্যবস্থাপনা ও পরিকল্পনা
প্রণয়নে, সঠিক তথ্য ও উপাত্তের
প্রয়োজনীয়তার উপর গুরুত্ব
আরোপ করেন।

সিএমএলএ বলেন, শিক্ষার
সুযোগ-সুবিধা সম্প্রসারণের মাধ্যমে
সরকার শিক্ষাব্যবস্থায় গুণগত
মান উন্নয়ন করিতে আগ্রহী।
'আমরা শিক্ষাকে কর্মমুখী ও
(৮ম পঃ ৩-এর তঃ দঃ)

শিক্ষার গুণগত মান

(১ম পঃ পর)

বাস্তবধর্মী করার একান্তিক চেষ্টা
চালাইতেছি। তিনি বলেন,
সরকার এ ব্যাপারে ইতিমধ্যে
বেশকিছু সংস্কারমূলক ব্যবস্থা
বাস্তবায়নে সচেষ্ট রহিয়াছেন।

জেনারেল এরশাদ আশা
প্রকাশ করেন যে, দেশে সৃষ্ট ও
সফল শিক্ষা ব্যবস্থা গড়িয়া
তোলার জন্ত যথাযথভাবে পরিক-
ল্পনা বাস্তবায়ন ও মূল্যায়নের
ক্ষেত্রে কম্পিউটারের ব্যবহার
সময় ও সম্পদ বাঁচাইবে।

সিএমএলএ বলেন, দেশে
এককোটি ২৫ লক্ষ স্কুলগমন
বয়েসী শিশু রহিয়াছে, কিন্তু
তাহাদের মধ্যে প্রায় ৩৯ লক্ষ
শিশু আদৌ স্কুলে যায় না।
যাহারা স্কুলে যায় তাহাদের
শতকরা ৮০ ভাগ আবার প্রাথমিক
পর্যায়ের শিক্ষা সমাপনের পূর্বেই
লেখাপড়া ছাড়িয়া দেয়। জেনা-
রেল এরশাদ এই পরিস্থিতিতে
উদ্বেগজনক বলিয়া বর্ণনা করেন
এবং এই প্রবণতা বন্ধের জন্ত
অবিলম্বে বাস্তব কার্যকরী পদ-
ক্ষেপ গ্রহণের প্রয়োজনীয়তার
উপর গুরুত্ব আরোপ করেন।

শিক্ষাখাতের সকল তথ্য ও
উপাত্ত বিচার ছাড়াও শিক্ষা
সংক্রান্ত তথ্য ও উপাত্ত ব্যাংকে
স্থাপিত নয়া কম্পিউটার ব্যবস্থা
সাড়ে ১২ হাজার অনুমোদিত
বেসরকারী মাধ্যমিক স্কুল, কলেজ
ও মাদ্রাসার শিক্ষক-কর্মচারীদের
মাসিক অনুদানের পে-অর্ডার ও
পে-স্লিপ তৈরী করিতে জানিতে
পারিয়া সিএমএলএ সন্তোষ
প্রকাশ করেন।

শিক্ষামন্ত্রী ডঃ আবদুল মজিদ
খানও অনুষ্ঠানে বক্তৃতা করেন।

এ উপলক্ষে মন্ত্রীসভা এবং
সিনিয়র সামরিক ও বেসামরিক
কর্মকর্তাবৃন্দও সেখানে উপস্থিত
ছিলেন।